

آبونه شرائطی

داخلی ، خارجی هریر ایچون  
سنه لکی (۲۵۰) ، آلتی آیانی  
(۱۳۰) غروشدور.

[ نسخه می غروش  
سنه لکی ۲۰ نسخه در . ]

اداره خانه

باب عالی جاده سنه دائره مخصوصه

اخطارات

آبونه بدلی پشیندر

مسلكه موافق آثار مع الممنونیه  
قبول اولنور . درج ایدله یین  
یاؤیلر اعاده اولونماز .

# تذکره

دینی ، فلسفی ، علمی ، ادبی هفته لقی مجموعه اسلامیه در

والله یهدی من یشاء الی صراط مستقیم

باش محرر  
محمد عاکف

صاحب و مدیر مسئول  
اشرف ادیب

اتبهون اهدکم سبیل الرشاد

عدد : ۳۷۲

۲۶ ذی الحجه ۱۳۳۶

پنجشنبه

۳ تشرین اول ۱۳۳۴

جلد ۱۵

توقیر و حرمت حتی بسله ملری سعادت اجتماعیه نك ، مفتاحی ، سیاست  
عمومیة و خصوصیه نك روحی اولدیغنی ایضاح و بیان بیورمشدر .  
شام اردوسی سرداری ابو هیئده امیر المؤمنین عمر بن الخطاب  
بر مکتوب یازمه رق آب و هوایی لطیف اولدیغنی ایچون راحته میل  
ایدر لر قورقوسیه عسکرکی انطاکیه ده او طور تمامق فکرنده بولندیغنی  
عرض ایلشدی . جناب خلیفه دن شو بولده بر جواب آلدی : « هوایی  
کوزل اولدیغنی ایچون انطاکیه ده او طور تمامق فکرنده بولندیغنی  
بیلدیریورسکز ؛ پك انی اما جناب حق « یا ایها الرسل کلوا من الطیبات  
و اعملوا صالحا » فرمانیه اعمال صالحه ده بولان ارباب نقوایه طبیائی  
حرام ایتمیش اولدیغنی ، کلاتیور ، خایر ، سکا دوشن وظیفه عسکره  
راحت ایتدیروب یوزغونلق آلدیرمق ، بول بول ییوب ایچهرک  
مقاتله اوغورنده بی تاب قلان وجودلرینه بر آزار اعاده قوت ایتدیرملری  
ایچون مساعده کارانه حرکت ایتک ایدی . »

ایشته مسلمان عسکرینک ماهیتی ، اونک مناقب حاست و شهادتی  
دیللرده داستان ایدن خصائص فاضله ، مزایای برکزیده سی بو مرکزده در .

عبدالعزیز چاویش

دفتر خاطراتنامه :

بایرامده نیچون آغلادیم ؟

بالطبع حساس کوکالو آدمه هرشی تأثیر ایدر ؛ او حساسیت  
دائما اونی آغلایر ، یاخود کولدورر .

دها بشیکده ایکن ابوینم مسلمانانق حسیاتی قلبیه تلقین ایتیه  
باشلادی . صوکره مکتبه ، مدرسه یه کیدنجه اوراده کی استادلرم ؛  
او قودیم کتابلر ، مطالعه ایتدیکم ادبیات ؛ یا شادیم محیط ... حاصلی  
هرشی بو حسیاتی تقویه ایتدی ، اسلام محبتی قلبیه یراشدیردی .  
بوترینه نك تأثیری ، بو حسك سائقه سیله درک عمرمك بشده بر قسمی  
اسلامه دشمن برملکک اردوستده کچردیکم حالده ، پاپاسلر خرستیان  
عسکرلرله برلکده مظفریت دعالری یابدقلمی برزمانده ، بن و بنم  
دین و عرقداشارم « اللهم انصر الاسلام » دعالرینی تکرار ایدر  
طوروزدق .

تاریخ وقوطانک تکررندن عبارت اولدیغنی کبی ، طالع ده مقدراتک  
تبدلندن عبارتدر . ایشته طالع نی بوکون استانبولده بولوندیریور .  
بوکون بایرام : مسلمانلرک مقدس برکونی ، دارالخلافه ده بولونیورم .  
چو قلمعدن بری بسله دیکم امل بوکون تحقق ایدیور . قاچ بیلدیر  
بن بوکونک اشتیاقیه متحسین ایدم . اوچ یوز میایون مسلمانانک  
مرکز خلافتی اولان استانبولده بایرام نمازی قلمق ، بنم ایچون الک  
بو یوک برامل ، الک متحسری بولوندیغیم بر سعادت ایدی :

چو قلق زمانلرده بابامله برابر بایرام نمازینه کیدیورق . شملک  
قارا کلق اورمانلری ایچنده بولونان کویمک جامعنه کیدیکمز زمان  
اومزک دیوارنده آسیلان « آيا صوفيه » جامع شریفک رسمی کوزمک  
اوکنه کایر ، اونک خیالیله کندمدن کچردم . بایرام نمازی کیم بیلیر  
ناصل قیلیر ؟ دییه تحسری بابامه سولاردم . اوده :  
— عمرک اولورسه ، یاوروم ، بلسکه بر زمان کایرده استانبوله  
کیدر ، کوزورسک ...

دیزدی . بوکون هپ او خاطرملر جانلانیور ، جانانه قاروشان  
برخسرتزده سروریه سریمست بولونیورم . هواده نه قدر کوزل ؛  
نه لطیف بر جنوب روزکاری آسیور ؛ هر طرف بایراقلره دونادیلش ،  
نابی نك دیدیکی کبی :

نه قدر عالی دور ایتسه سپهر  
بولماز استانبوله بکزر بر شهر .

آرقداشلرمدن بریسیله اونک ارزو ایتدیکی جامعنه کیدیورر .  
قام پك هیجانی . حضرت خلیفه نك دیارنده بولونیورم . مرکز  
اسلام اولان استانبول جامعلرینه کیدیورم . کیم بیلیر ، نه یوکسک  
سوزلر ایشیده جکم ، نه هیجانی موعظه لر دیکله یه جکم ، نه منور اسلام  
سینازی کوره جکم ...

بو خسارله جامعنه کیدرم . برده نه کوردهیم ، بوتون جامع عسکرله  
طلو . عسکردن باشقه کیمسلر یوق . بلا اختیار صوردم :  
— بونه حال ؛ بو جامع عسکرلره می مخصوص ؟

— خایر اقدیم !

— یوقسه هپ آدملرکز عسکر می ؟

— خایر اقدیم !

— نه غریب حال ؛ عسکر اولمایانلرکز جامعنه کیتمیور می ؟

— ...

هرنه ایسه تکبیرلر تکرار ایدیلدی . نهایت یاواش یاواش خطوه لرله  
منبره کان صاریقلی براقندی مسلمانلرک کیم بیلیر قاچنچی دفعه اوله رق  
قیلمقده اولدقلمی بایرام نمازینک نیتی ونه صورتله قیلنه جفنی تعریف  
ایتدی . آویومش اولان اهالی در حال قالدی . نماز قیلندی . بر  
قاچ سوز خطبه او قوندی . آمین دیندی ، اولدی بیتدی . صوردم :  
— وعظ و نصیحتلر ، مسلمانلری فعالیت و سعاده دعوتلر ، مؤسسات  
خیریه و اولاد شهیدیه امانه طوبیلاملر ... بز کلنجه نه قدر بونلر  
هپ اولش بیتمش می ؟ ...  
— خایر اقدیم .

جامعدن چیقدق . او طه « عودت ایدیورم . ذهنم شو سؤاله  
جواب ویرمکه مشغول ؛ هجیا هانکیاری شریعت خادمی ؛ هر جمعه  
وبایرام نمازلرنده منبر اوزرندن سناعتلرجه قرآنک امرارینی تبلیغ  
و تلقین ایدن ، دینی نطقلر ایرادایله ملت رهبرلک ایدن ، ملیوتلرجه

سائرہ بیلہ حظوظ طبعیہ لاری استیفا ایدہ جکری زمان برکنارہ چکیلرلر .  
 بونلرایسہ هیچ اولمازسہ مستور قالمق ایجاب ایدن حرکتلری صحیفہ لر  
 طولوسی تصویر و تشہیر ایتمکدن صیقیلما یورلر . آداب خصوصیہ یوق  
 ایسہ آداب عمومیہ دہ یوقی ؟ کینجکلکی تمثیل داعیہ سندنہ بولنان بوکی  
 غزتلر هیچ برشی طانیما یورسہ بونلری قانون اخلاقہ رعایت مجبوریتندہ  
 بولندیرہ حق بر مرجع یوقی ؟ مطبوعات جمعی بونلری کورمیورمی ؟  
 کوریورسہ نہیہ لازم کن اخطاراتدہ بولونما یور ؟

انسان بو حاللری کوریورسہ پایاغی انسانلقدن نفرت ایدہ چکی کلور .  
 بوقدر تردی و انحطاطدن دشمنلر بیلہ متأثر اولور .

بز توپلری اورپرته جک بو ایکنج نشریاتدن نمونہ اولہرق بر  
 قاج ذقہ نقل ایتک مجبوریتندہ قالدیفمزدن طولای جدامتأسف .  
 فقط نہ یاپہلک فلاکتک نہ بویوک اولدیغی آکلاہ بیلیمک ایچون باشقہ  
 چارہ کورہ مدک .

(غفور) ۲) نجی صایسندہ «باش باش» عنوانی منظومہ دن :

بعض حمالی بر نفس طوبولور ،  
 دیکلرم قولارمده ایکلہ یوقی .  
 اک کوزل شیری بر کجہ کدہ بولور  
 بولہ تنہا کورن یا ناقده سنی .  
 آریورکن دوداقلرمدہ تنک  
 سرخوشم صوندیک پیالہ ایلہ ،  
 ظوغر بور محرمیتکلہ سنک  
 بزده رین حظ کناہمزدہ بیلہ ...  
 ینہ بوغمده قولارک چیللق ،  
 صاچلرک دالغہ دالغہ باصدقده !  
 او حیادن قاچان وجودیکہ باق ،  
 نہ کوزل پارلا بور قارا کلقدہ .  
 بلکہ دنیا طاپاردی نوریکہ ، سن  
 یوکسہ لیدیک بیاض آیک یزینہ :  
 بنده بیامہم ، جہانہ محرمکن  
 ناصیل آقدم سنک سیکیرلریکہ ؟ ...  
 فاروق نافذ

ینہ غفورک عینی نسخہ سندنہ « بک اوغلنک خانملرینہ » تحاف  
 ایدیلن بر اثر دن :

« قونیانی برچای دلبارلرمدہ المیق و مونس برتأثر یابدی .... کوچک  
 برچو جفک الندن طوتہرق عتقم بیاض بر بوو آیہ صاریلش شیق برخام کچدی .  
 عجبا دیدم آنیلان نظر قوطلورہی ایدی ، بکامی ؟ قلمجدہ هیچ شہبہ قالماسنی  
 ایستہم . درحال بالتومہ بوزولوب خام افندی ی تعقیبہ باشلادم .... پلہ رینک  
 اشتہاسندہ اینجہان بلی اشتہالی برکوزلہ سوزہ رک نہ ظریف ، نہ کبار دیہ  
 سوبلندم . »  
 سلامی عزت

« سربست فکر » مجموعہ سنک ۲ برنجی صایسندہ « بویوک آطہ  
 حیاتی » عنوانی مصاحبہ دن :

« .... بر قاج شیق کینج قیزک شافراق فہفہ لری ، تبسلری ، شوخ  
 شوخ سسلر ، سوزلر و بوتون بونلرک آہنکی ..  
 بو شوخ جیات ، انسانلری باشاتقی ایچون یکانہ قوتدر . بن ، بویلہ

اعانلر طوبلایہرق اطفال مسلمین ایچون مکتبلر ، مدرسہ لر تأسیس  
 ایدن شہال ملت محکومہ سی اماملریمی ؟ یوقسہ شیمدی متبوعم اولان  
 شو امام افندی حضرتلریمی ؟

بونحال بنی جوق متأثر ایدی . او طہمہ کادم . قابوی قابادم .  
 آغلامیہ باشلادم . اوکون آقشامہ قدر اسلامک غریبلکنہ ،  
 مسلمانلرک انحطاطنہ آغلادم ، آغلادم ، آغلادم ...

شہال مسلمانلرندن

عطاء اللہ بہاء الدین

مملکت نہ حالدہ ، مطبوعات نہ ایلہ مشغول !

ملت اک الیم محرومیتلرہ ، اک وخیم فلاکتلرہ قاتلانہرق حدودلردہ  
 شو حیات و ممات مجادلہ سنہ خاتمہ ویرمک ایچون اوغرا شیرکن ،  
 وطنک بر جوق مبارک طوبراقلری دشمن استیلاسی آلتندہ ایکلرکن  
 پایتخت مطبوعاتنک ذوق ، اک کنجہ ، موداھوسنہ ، قادین دردینہ دوشہ رک  
 بریفین سفیل نشریاتدہ بولونمسنہ نہ قدر تأسف ایدیلسہ آذر . بو ،  
 او قدر بویوک بر تردی و انحطاطدزکہ ملتک آنجق اضمحلال  
 دورہ لرندہ کوریلہ بیلیر .

اوتہدہ حرب صحنہ لرندہ قیامتلر قویبورکن ، آرقہدہ میلیونلر جہ  
 وطنداش تصویری نا قابل سفلالتلر ایچندہ قیورانوب طورییورکن  
 کینجکلک نامنہ ادارہ کلام ایدن مطبوعاتنک حالنہ باقکیز ! بو نہ  
 دو یغوسز لقدر ! وطنہ ، ملتہ ، حتی بالعموم انسانیتہ قارشق بو قدر  
 علاقہ سزلق ، بوقدر صایغیسزلق اولورمی ؟

دنیا نیک هیچ بریرندہ بویلہ بر حالہ تصادف ایدیلہ من . بوتون  
 ملتک مطبوعاتی حدودلردہ حیات واستقلاللرینی مدافعہ ایچون چارپیشان  
 عسکرلرینک مجاہدہ لرینی تقدیس ایدرکن ؛ آرقہدہ قالان یتیملرہ  
 اولادلرینی فدا ایدوبدہ کیمسہ سز قالان والدہ لرک دردلرینہ چارہ  
 آزارکن ؛ ایچکی کبی ، قارکی جمعیتلری قاصوب قاووران امراض  
 اجتماعیہ قارشق کلہ بیلیمک ایچون الالہ ویرمش ، کیجہ یی کوندوزہ  
 قاتمش اوغرا شیرکن ؛ بر قسم مطبوعاتنک بوکی وظائفہ قارشق تمامیلہ  
 بیکانہ قالہرق قادینلری مودالرہ ، ذوقلرہ ، اک کنجہ لرہ ، اسرافلرہ  
 دعوت ایتلری ؛ جہل ، و تشویق یوزندن بعض بیچارہ قادینلرک  
 یو وارلانمش اولدقاری اوچوروملرہ دیکرلرینی دہ سوروکلہ ملری ؛  
 کیجہ ارتکاب اولونان رذالتلری ادبی شکلہ بورویہ رک کوندوز غزتلردہ  
 تصویر ایلہ ، تقدیس ایلہ عمومیہ تشہیر ایتلری ملت ایلہ ، وطن ایلہ ،  
 مقدسات ایلہ استہزا دکلدہ نہدر ؟ ...

بو آدملردہ ذرہ قدر ملت ، وطن محبتی یوقی ؟ وطنک فریادلرینہ ،  
 ملتک المارینہ اشتراک ایتیمورلر . باری برکنارہ چکیلسہ لرندہ بویلہ حیات  
 و ممات کونلرندہ مملکتک ، ملتک مقدساتیلہ استہزا ایتسہ لر . مخلوقات